

Rohingya

Zanai dhiya ijazot nama aramiyator

Aramoyotor baabote zanai dhiya ijazot nama hode iba ki?

Aramiyot fartiye tuáñare modót goribou zeithe tuáñrtu biyaram ar aramiyotor mosólla takilé. Bazumotto tuáñrtu aramiyotor teés ar dabai gora fore. Hono uggwa aramiyator hamwala tu hamaka tuáñr hasé fusar gora foribou ki tuñi ijazot dhifariba teés ya dabai goribolla. Zanai dhiya ijazot nama oílde ki zeitte tuñi sáf gorí buzi faijjó tuáñar biyaram ciyaram ór baabote ya aramiyator mosólla ókkol ór baabote ar razi asó aramiyator hamwala ye ki goribou dhe yían.

Tuáñartu zani saforibou aramiyator baabote ho kisim ór torika basifaribou razi noi bar agottú. Dabai gorón no gorón yían tuáñar morzi.

Añártu ki maalamat lagedde?

Tuáñar aramiyattor hamwala é tuáñare maalamat dhibo taiké tuñi faisala gori fare fan tuáñar teés ya dabai goribar baabote.

Tuáñar aramiyator hamwalattú tuñi índilla soal ókkol fusar gori faribá mesál:

- » Añártu ki biyaram asédhe ya ki aramiyator mosólla okkol asédhe?
- » Ki teés ya dabai?
- » Teés ya dabai yé añáre kengóri modót goribou dhe?
- » Teés ya dabai gorile añár lá hono mosólla oí bóne?
- » Mosólla huddur nazok oít fare?
- » Hono oinno teés ya dabai asé ne?
- » Teés ya dabai goijja oí baáde kén ói bo?
- » Aññi gom oí zaiyumné?
- » Gom ói zaibolla hoto din lagibou?
- » Aññi dabai no goille ki oít fare?

Tuáñar aramiyator hamwala ré fusar goijjo agor tuñi hono kussú nobuzile takile.

Aññrtu kiyalla ijazot diya foredde?

Australiát mazé, kanun asé dhe ki tuáñar aramiyattor hamwala tú tuáñar ijazot loú foribo teés ya dabai nogoribar agottú.

Añártu kiyalla ijazot nama sáain gora forede?

Tuáñare razinama ekkán sáain goitto hoibo bicí hotora át asé dabai goríbolla mesál haça sira. Oinno thaim ót tuáñrtu baná huwa foriboú dhe ki aramiyator hamwala ré tuñi razi asó dhe enan. Baná zé aramiyator hamwala ókkol camil asé tuáñar teés ya dabai gorón ón mazé baná tara tuáñar razinama farom fori foribou dhe.

Zetara Tuáñar aramiyator mazé camil nai, tuáñar ijazot nama tararé no dahaiboú.

Hone ijazot dhi faribou dhe?

Zedice tuáñrtu tuáñare hondilla gorí dabai goriba enan zana takila ar tuáñar aramiyator hamwala ré hoiba dhe ki tuáñrtu ki lagedde enan, toí baáde tuáñrtu faisala gora foribo dhe. Tuñi tuáñar appoinmenot fuwaijja añni fariba, fémlí ya cemajor member oré añni fariba ar tarattú moswara mai fariba. Emarjensi maze bazé thaim ót tuáñar aramiyator hamwala ye, hono fémlí yé ya hono fuwaijja yé tuáñar lá faisala gori faribo.

Gura fuwalla hone ijazot dhibo dhe?

Hamisha, ma baf, fallonñya ya sonñya yé ijazot dhe 18 bosor nisor boshawa gura fuwain dolla. Agor gura fua ibayé fura tar dabair torika ar tarar aramor ore ki asor ói bo zaana taila, tarar ga tara ijazot dhi faribo. Aramiyotor hamwala uggwá yé cek gorí saibou hono fua ibaye nizolla ijazot dhi faribone na faribou.

Añártu hudun zana foribo dhe?

Aramiyotr hamwala uggwá yé tuáñrtu zedun maalamat zain tho mono hor edun zanai dhibo. Itara kuchis goribou tuáñár hokkól soal ór juwab Dibolla. Tuáñar aramiyotor hamwala ré zanai dhiyo dhe ki agor hono kan tuáñar teés ya dabair baabote zanitomon notákile.

Añártu faisala goribola hodun thaim asé?

Emerjansi mazé toratori faisala gora foribo. Agor emarjensi noile tuñi aro thaim loí fariba faisala goríbolla. Tó ajo tuñi tuáñar teés ya dabai baabote hoinafaille, tuñi ar uggwá aramiyotor hamwalar hase fusar gorifariba faisal goríbar modót ór baabote.



Añártu hotá báñgidoya uggwá lai bo ne?

Aramiyotor teés ya dabair baabote buzite muskil oibou. Bala faisala gorifare fan, bicí zeruri dhe ki tuñi ar tuáñar aramiyotor hamwala loí ezon hotá re ezonnottú buza foribo. Agor Ingilíc tuáñar madari zuban noile, uggwá honormon hotá báñgidoya fuwati tai faribo tuáñar appoinmenon ót. Muntu muntu hotá báñgidoya ya telifún ór hotá báñgidoya oílde ki maana. Tuñi ya tuáñar aramiyotor hamwala yé hotá báñgidoya magi fariba tuáñar fuwati taibolla zeithe tuñi tuáñar aramiyotor baabote hotá hoiba. Tuáñar hotá báñgidoya tuáñar maalamat ókkol gofon raki bo.

Ijazot dhi baáde fitin aññí aññár faisala bodeli falaií kén oibo?

Zeí hono thaim ót tuñi tuáñar faisal bodeli fariba, hatta tuñi razinama ar farom sáain gorí baáde ya tuáñar aramiyotor hamwala ré tuñi razi oí yo teés ya dabai goribolla hoi baáde dhan.

Monót rákiyo

◆ Súal ókkol fusar goijjo

Tuáñar aramiyator hamwala zeddugun hoi ín beggulun tuñi buzi farinnan zoruri. Tuáñrtu zeduggun súal fusar goítto mono ho gorí fariba. Tuáñare ból dibolla tuáñar fuwati hono ezon añni fariba.

◆ Hotá báñgidoya uggwá magi ba

Honormon hotá báñgidoya oílde ki maana. Tara tuáñare ar tuáñar aramiyotor hamwala ré buzi faribolla assan gori dhe.

◆ Enan tuáñar morzi

Tuñi ejazot dhi baáde dhan, tuñi tuáñár faisala hono thaim ót bodeli fariba.



Partnering with Consumers - This patient information brochure supports National Safety and Quality Health Service Standard 2 (2.4.1) Consumers and/or carers provided feedback on this patient information.

This document has been reproduced with the permission of Metro South Hospital and Health Service.

Rohingya informed consent

Effective: 10/2016